

DEPORTE LOKAL

WILLEMSTAD---Mañan djabièrnè dia 29 desèmber 2023, ta fecha pa un grandioso partido di futbòl, pa asera aña 2023. Esaki lo mira akshon den bario di Kintjan, na tereno di Willemstad. E ekipo di kas, Inter/Willemstad, aktualmente na di 2 puesto riba tabla di posishon den promé divishon di futbòl FFK, ta risibí bishita di e punteronan di aktual temporada, ku ta e ekipo saminero di Jong Colombia.

E wega aki, ta pa konkluí e ya tradishonal torneo di futbòl pa sera aña, "Fair Play Cup" su edishon pa aña 2023. Un ke otro des-

Inter/Willemstad vs Jong Colombia pa sera aña 2023



Inter/Willemstad, komo doño di kas, lo risibí bishita di Jong Colombia.



E ekipo saminero di Jong Colombia, mañan lo ta na Kintjan, pa topa e ekipo di kas.

pues ku durante di e último añanan esaki no a mira akshon. E edishon 2023, lo konta ku 2 enkuentro,

unda ku kos lo inisiá mitar di 7 di anochi, ku un wega entre 2 ekipo di futbolistanan femenino. Aki lo hun-

ga un selekshon di Pariba, ku lo topa ku un selekshon di Pabou, den wega ku tur nos mihó futbolistanan fe-

menino, lo ta den akshon. E anochi lo konkluí ku e partidaso entre e ekipo di Inter/Willemstad, ku lo ta enfrentando e samineronan di Jong Colombia pa 8'or di anochi.

Pues 2 wega interesante, pa asina tèrminá aktividatnan futbolístiko pa aña 2023 riba nos isla, ku e 2 nan ku ta komandando den futbòl promé divishon, enfrentando otro, pa despedí di aña 2023, den e tambe último evento deportivo pa aña 2023.

Pues reservá e fecha aki, pa asina bo tambe ta presente i gosa di 2 tremendo partidaso den futbòl lokal.

Fundashon Bicentini ta sigui sostené nos hóbennan

WILLEMSTAD---Fundashon Bicentini, huntu ku Remko Bicentini, kende alabes ta konosí den futbòl i tabata tékniko di nos selekshon nashonal, ta na Kòrsou i ketu bai ta duna bèk na nos komunidad.

Un ke otro na momentu ku durante di e periodo di dianan di Pasku di nacementu i preparando pa kambio di aña, komo tradishon e ta den akshon riba nos isla ku su fundashon, kumpliando ku nan proyektonan, ku dedikashon espectral na hóbennan ku ménos

recurso riba nos isla. Esaki ku e pashon pa futbòl i ku kurason pa e muchanan i hóbennan ku no ta e fasilidatnan indiká pa por biba un bida manera tur otro na Kòrsou. Ku esaki ta koperá i hasi donashonnan, pa paña i tambe ayudo finansiero pa nan tambe por gosa di e dianan i tin un sena di Pasku. Remko no a spar ningun energia i a hasi diferente bishita i donashon huntu ku su fundashon, malkriando e diferente hóben i muchanan, pa nan tambe por tin dianan felis i sera aña kontentu. "Sera aña kontentu koperando ku otro-

nan aki na Kòrsou, tur aña di nobo ta tremendo. Ta un sintimentu úniko pa entrega materialnan deportivo i tambe koperá pa senanan pa nos muchanan, kende ta keda sumamente kontentu", ta motibunan suficiente, pa nos tambe gosa di un bon fin di aña", Remko a deklará na Deporte Vigilante. Koperando di un manera òf otro, durante di tur e añanan tras di lomba ta algu dushi, pa mira e reakshonnan i tambe pa mira kon a inisiá e proyekto di kaya pa stadion na aña 2019, ku sigur ta sigui mantené hopi mucha i kurasonnan kon-



Remko Bicentini di Fundashon Bicentini, dunando bek na nos komunidad i speshalmente nos hoben – i muchanan.

tentu, ta tur kos pa Bicentini, famia i su fundashon. Tur esaki inkluso a pone ku studiantenan na tera friu, a pone ku studiantenan awor ta hasiendo nan investigashonnan i organisá aktividat

i lèsnan, ku e tema indiká. Remko a finalisá seguridad, ku sigur esaki ta algu ku lo sigui, unda huntu lo sigui sostené hóbennan studiante, deportista i esnan den nesidad.

Curfutsal ta inisiá durante di e promé siman di aprel

WILLEMSTAD---Despues di un aña 2023, sin ku tabatin kompetensia den e deporte di Cututsal, unda entre otro un direktiva nobo a sinta, ta e intenshon pa kosnan normalisá na aña 2024.

Un ke otro unda ku ya a anunsiá ofisialmente ku bala lo lora na luna di aprel

benidero. Esaki despues ku tur ekipo interesá registrá nan mes promé ku dia 15 yanüari benidero.

Pues despues di un periodo sin ku tabatin aktividat den e deporte ariba mencioná, un i tur, inkluso fanatikonan ta pendiente pa na aprel próksimo bala lora den Curfutsal.



Akshon den kompetensianan di Curfutsal.



Un i tur pendiente pa akshon den Curfutsal.